

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U LUKAVCU
Broj. 126-0-Su-23-000 049
Datum, 15.05.2023. godine

SKUPŠTINA TUZLANSKOG KANTONA
Ul. Rose Hadživuković 1
75000 Tuzla
N/R predsjednika Skupštine TK

PREDMET: Izvještaj o radu Općinskog suda u Lukavcu za 2022. godinu - dostavlja se

Poštovani,

Prema sistematizaciji u 2022. godini Općinski sud u Lukavcu je imao 8 redovnih, 1 dodatnog sudiju uključujući i predsjednicu suda i 2 stručna saradnika, koji su raspoređeni na krivični, parnični, prekršajni i izvršni referat.

U januaru 2022. godine Odlukom o imenovanju Visokog sudskog i tužilačkog vijeća Bosne i Hercegovine sudija Općinskog suda u Lukavcu Enisa Hankić stupila je na dužnost predsjednice suda, te na upražnjeno mjesto stručnog saradnika je imenovana stručna saradnica Amra Islamović. Ovaj sud je ostao bez dvoje sudija i to sudije Enesa Halilovića kome je prestao radni odnos dana 17.05.2022. godine radi odlaska u penziju i sudije Safeta Hajdarbegovića koji je dana 16.06.2022. godine stupio na dužnost sudije Kantonalnog suda u Tuzli. Visoko sudsko i tužilačko vijeće BiH je raspisalo konkurs za imenovanje jednog sudije Općinskog suda u Lukavcu u maju 2022. godine i za imenovanje jednog sudije Općinskog suda u Lukavcu u novembru 2022. godine, tako da je sud od 16.06.2022.godine do 31.12.2022.godine obavljao rad sa 6 sudija i predsjednicom suda, od čega je 1 dodatni sudija i dva stručna saradnika.

Pored sudija i stručnih saradnika, u Općinskom sudu u Lukavcu zaposleno je 5 državnih službenika i 26 namještenika, a od toga dva namještenika (jedan sudski izvršitelj i jedan referent na prijemu sudskih pismena) su počeli sa radom u toku 2022. godine, što predstavlja 74,07% popunjenosti sistematizacije radnih mjesta u Općinskom sudu u Lukavcu. Prema Pravilniku o unutrašnjoj organizaciji i sistematizaciji radnih mjesta u Općinskom sudu u Lukavcu i izmjenama i dopunama Pravilnika, usvojena je sistematizacija od ukupno 54 radna mjesta. Uzimajući u obzir popunjenost drugih sudova na području TK koja je veća, predstavlja ozbiljan problem u radu ovog suda, sa tako nedovoljnim brojem uposlenih, a na osnovu broja nezavršenih predmeta i pored dobre kolektivne norme suda. Iz navedenih razloga bi bilo potrebno dodatno popuniti upražnjena radna mjesta te sistematizovati nova, obzirom na stvarne potrebe rada ovog suda.

Općinski sud u Lukavcu, po navedenoj sistematizaciji, ima formirana tri Odjeljenja, odnosno Građansko odjeljenje, Krivično - prekršajno odjeljenje i Izvršno odjeljenje, shodno članu 16. Pravilnika o unutrašnjem sudskom poslovanju („Službeni glasnik BiH“ broj: 66/12 i 40/14).

Kolektivna norma suda za 2022. godinu, uz izvršeno uvećanje norme za predsjednicu suda i šefove Odjeljenja, iznosi ukupno 111,07% (kolektivna norma suda za 2021. godinu iznosila je 121,67% što se može opravdati činjenicom da je sud u toku 2022. godine radio više od pola

godine radio sa dvoje sudija manje, a imajući u vidu navedene poteškoće nije loš rezultat kao i trajanje pandemije COVID 19 koja je u mnogom usporila rad. Predsjednica suda Enisa Hankić koja obavlja funkciju predsjednice suda od 04.01.2022. godine imala je normu od 184,04% u izvještajnom periodu za 2022. godinu računajući da je norma predsjednika suda 50% sudijske norme, a koja je iznosila 92,44%, Fikret Mujkić 122,99% šef Krivičnog-prekršajnog odjeljenja sa 90% sudijske norme (sudijska norma 109,84%), Emina Burgić Omerdić 105,02% kao šef Građanskog odjeljenja sa 90% sudijske norme (sudijska norma 88,70 %), Igor Iveljić 149,36% šef Izvršnog odjeljenja (sudijska norma 134,42%), Bojan Đedovac sudija Građanskog odjeljenja imao je normu od 104,42%, Azra Bojić sudija na izvršnom referatu imala je normu od 102,09%, sudija Enes Halilović (radio na poziciji sudije Općinskog suda u Lukavcu do 17.05.2022. godine) 46,12% sudija Krivičnog odjeljenja, Safet Hajdarbegović (radio na poziciji sudije Općinskog suda u Lukavcu do 15.06.2022. godine) 101,50% sudija Građanskog odjeljenja, te dodatni sudija Miroslav Đulabić sudija Građanskog odjeljenja imao je normu od 103,02%.

Stručna saradnica Mirsada Alibašić imala je normu od 99,92% dok je stručna saradnica Amra Islamović imala normu od 100,28%. Sve sudije sa predsjednicom suda, su imali zadovoljavajuću sudijsku normu. Sagledavajući gore navedene rezultate može se konstatovati, obzirom na vanredne uslove koje su nas zadesile i trajali do polovine 2022.godine sa pandemijom COVID 19, da je zadovoljavajuća kolektivna norma u 2022. godini i to 111,07%.

Ukupan broj donijetih odluka u sudu za 2022. godinu na koji se može uložiti pravni lijek iznosi 5167, a za 2021. godinu 5531, od toga ukupan broj žalbenih odluka u 2022. godini je iznosio 486, od čega 401 potvrđenih odluka, 43 preinačenih odluka, 35 ukinutih odluka, broj djelimično ukinutih odluka iznosi 7, što čini u zbiru 486 odluke ili 93,87 % s tim da imamo u 2022. godini i 3 odluke – odbačen pravni lijek.

Pojedinačno predsjednica suda Enisa Hankić (predsjednica Općinskog suda u Lukavcu od 01.01.2022. godine) u 2022. godini je imala u postupku po žalbi 13 odluku, od toga 8 potvrđenih, 5 ukinutih, sudija Fikret Mujkić u 2022. godini je imao u postupku po žalbi 26 odluka od toga 26 potvrđenih, te 2 odluke - odbačen pravni lijek, sudija Emina Burgić Omerdić u 2022. godini je imala po žalbi 105 odluke od kojih je 94 potvrđenih, 8 preinačenih, 3 ukinutih, sudija Igor Iveljić u 2022. godini je imao po žalbi 27 odluku, od toga 22 potvrđenih i 5 ukinutih odluka, sudija Bojan Đedovac u 2022. godini je imao po žalbi 96 odluka od kojih je 85 potvrđenih, 3 preinačene, 3 ukinute te 5 djelimično ukinutih, sudija Azra Bojić u 2022. godini je imala po žalbi 27 predmeta od kojih je 25 potvrđenih odluka i 2 preinačene odluke, dodatni sudija Miroslav Đulabić u 2022. godini je imao po žalbi 11 odluka od kojih je 11 potvrđenih, sudija Safet Hajdarbegović (sudija Općinskog suda u Lukavcu do 15.06.2022. godine) u 2022.godini je imao po žalbi 94 odluke, od toga 76 potvrđenih, 12 preinačeni, 2 djelimično ukinute odluke te 4 ukinutih odluka, sudija Enes Halilović (sudija Općinskog suda u Lukavcu do 17.05.2022. godine) u 2022. godini je imala po žalbi ukupno 41 odluke od kojih je 20 potvrđenih, 12 preinačene i 9 ukinute odluka te 1 odbačen pravni lijek. Stručna saradnica Mirsada Alibašić u 2022. godini je imala 24 odluke po žalbi od kojih je 14 potvrđenih 6 preinačenih te 4 ukinute odluke, stručna saradnica Amara Islamović koja je stupila na funkciju 01.01.2022. godine u 2022. godini je imala 9 odluka po žalbi od toga 9 potvrđenih. Iz navedenih podataka može se konstatovati da u postupku po žalbi kvalitet sudske odluka u 2022. godini iznosi 93,87%.

Broj predmeta na kraju 2022. godine iznosi 40993 predmeta, od čega 37148 izvršna predmeta i to I predmeta 2493 i Kom predmeta 34148 predmeta. Broj zaprimljenih predmeta u 2022 godini je 5997 i to : krivična 783, parnična 733, prekršajnih predmeta 1487, izvršnih 2257 (I-1022 i Kom 1235 predmeta), vanparničnih predmeta 686 i 51 predmet sudske uprave.

Broj riješenih predmeta u izvještajnom periodu po vrsti predmeta je: 7798 (od toga 3750 izvršnih uključujući i komunalne predmete, 783 krivična, 878 parnična, 1679 prekršajna predmeta, 648 vanparnična predmeta i 60 predmeta sudske uprave). Općinski sud u Lukavcu je zaključno sa 31.12.2021. godine imao neriješenih 42.794 predmeta, a na dan 31.12.2022. godine 40.993, što čini umanj enje od 1801 predmeta u odnosu na 2021. godinu.

Ako se uzme u obzir početak rada suda, odnosno 01.12.2012. godine, a zaključno sa 31.12.2022. godine, to iznosi po prvi put od osnivanja suda umanj enje broja nezavršenih predmeta. Ove godine je stavljen akcenat na rješavanje izvršnih predmeta i ažuriranje izvršnog referata, što se u velikoj mjeri i postiglo. Ovaj sud je pored dobre norme koja je iznosila za sve prethodne godine preko 100%, imao uvećanje neriješenih predmeta za više od 14.000 a koje smo u protekloj godini preraspodjelom referata uspjeli smanjiti na kraju izvještajnog perioda. Osim toga na osnovu navedenih pokazatelja, očito je da ovaj sud nema dovoljan broj sudija i administrativno tehničkog osoblja, uzimajući u obzir broj urađenih predmeta, normu sudija koja je više nego zadovoljavajuća svih ovih godina od formiranja suda i broj neriješenih predmeta sa ostvarenim prilivom.

Općinski sud u Lukavcu je imao obavezu sačinjavanja Plana rješavanja predmeta počev od 01.01.2022. godine u kojem je predviđeno rješavanje 2702 starih predmeta, od čega je riješeno 2342 predmeta, 9 predmeta je nerješivo te 351 predmet je ostao u radu ili procenat realizacije od 86,97%. Broj riješenih predmeta iz Plana u periodu 01.01.2022 – i mlađi je riješen 0 predmeta, u periodu 01.01.2020 - 31.12.2021. godine od ukupno 636 riješeno je 604 ili procentualno 95,12% a neriješeno 31 predmeta, u periodu 01.01.2018 - 31.12.2019. godine od ukupno 314 predmeta riješeno je 275 ili procentualno 87,58%, a neriješeno 39 predmeta, 01.01.2014 - 31.12.2017 godine od ukupno 1445 predmeta je riješeno 1273 ili procentualno 88,10% a neriješeno 172 predmeta, za period 01.01.2009 – 31.12.2013. godine od ukupno 232 predmeta riješeno je 148 ili procentualno 63,79% a neriješeno 84 predmeta i predmeti koji su inicirani 2008. godine i stariji od ukupno 67 predmeta riješeno je 42 ili procentualno 62,69%, a neriješeno 25 predmeta. Navedeni procent realizacije objektivno nije mogao biti znatno veći iz razloga pandemije COVID 19 gdje je sud u prvoj polovini godine radio pod otežanim okolnostima, ali i pored toga, po mom mišljenju, realizacija Plana je dobra.

U cilju realizacije navedenog Plana sjednice sudskih Odjeljenja će se održavati i u toku 2023. godine svakog mjeseca, kao i stručni kolegij suda periodično, na kome će se analizirati učinjeno sa utvrđivanjem načina poboljšanja rezultata rada suda kako na starim predmetima, tako i na preostalim predmetima, a u skladu sa utvrđenim kriterijima. Predsjednica suda će zahtijevati od predsjednika odjeljenja da iznesu plan mjera za rješavanje starih predmeta, te će posebno posvetiti pažnju predmetima koji se više puta pojavljuju u planu rješavanja starih predmeta, s tim da će većina sudija biti zadužena izvršnim predmetima u planu kako bi se izvršni referat ažurirao, te ujedno smanjio broj neriješenih predmeta, a s kojom intencijom je ovaj sud išao i u 2022. godini.

Trajanje postupka po referatima u ovom sudu u 2022. godini je iznosilo: na izvršnom referatu prosječno trajanje predmeta iznosilo je 1696 dana, na krivičnom referatu prosječno trajanje predmeta iznosilo je 86 dana, parničnom 327 dana, prekršajnom 409 dana, vanparničnom 351 dana, te predmeti sudske uprave gdje je trajanje postupka prosječno iznosilo 22 dana.

Godišnjim planom rada Općinskog suda u Lukavcu za period 2022-2024 smo predvidjeli smanjenje trajanja postupaka po referatima što smo već u većem dijelu plana ispunili. Navedeni parametri koji ukazuju na veliki broj predmeta, je posljedica nedovoljnog broj sudija i stručnih saradnika, navedenih poteškoća u radu, kao i broja neriješenih predmeta na dan 31.12.2022. godine koji je iznosio 40.993 predmeta. Izvršenom dodatnom analizom priliva i rasporeda po referatima pokušat će se učiniti dodatna nastojanja za poboljšanje i povećanje broja riješenih predmeta, pri čemu treba uzeti u obzir da je kolektivna norma suda

veoma dobra i iznosi 111,07 kao i prošle godine od 121,67%, ali zbog velikog priliva, kao i nedovoljnog broj sudija i dodatnog osoblja objektivno sud nije mogao dodatno uticati na smanjenje trajanja postupaka.

U dijelu zastarjelosti predmeta u 2022. godini je došlo do zastare u 49 predmeta i Apsolutna zastara u 49 predmetu (6 krivičnih predmeta i 43 prekršajnih predmeta) o kojim je upoznata Pravosudna uprava VSTV-a.

Kako sam stupila na dužnost predsjednice Općinskog suda u Lukavcu dana 04.01.2022. godine, shodno i izloženom programu rada Općinskog suda u Lukavcu za mandatni period 2021./2025., a koji je iznesen i na sjednici Visokog sudskog i tužilačkog vijeća BiH 16.12.2021. godine, u prvoj godini mandata provedene su sljedeće aktivnosti i postignuti dole navedeni rezultati:

U januaru 2022.godine predsjednica suda je donijela Odluku o rasporedu sudija i stručnih saradnika po referatima u Općinskom sudu u Lukavcu, te odluku o rasporedu poslova sudija i stručnih saradnika po sudskim odjeljenjima pri Odjeljenju sudskih poslova u Općinskom Lukavcu za 2022.godinu. Prilikom raspodjele predmeta u Općinskom sudu u Lukavcu je stavljen akcenat na izvršne predmete obzirom na veliki broj istih, a koji su raspoređeni u određenom omjeru na sve sudije ovog suda s ciljem efikasnijeg rješavanja istih, te na taj način smo pokušali smanjiti broj izvršnih predmeta, a što po izvještajima za 2022. godinu smo znatno i uspjeli. Posebno ističem da je u Općinskom sudu u Lukavcu u toku 2022.godine sa sedam sudija u odnosu na 2021. godinu kada je bilo 9 sudija uspio smanjiti broj za 1801 predmet.

Dana 09.02.2022.godine predsjednica suda donijela je Odluku o okvirnom planu održavanja Kolegija predsjednice suda i Stručnog kolegija.

U pogledu operativno tehničkog dijela, a radi funkcionalnosti i efikasnijeg rada svih uposlenika provedene su brojne aktivnosti. Oformljena je biblioteka suda koja do sad nije postojala, ažurirana Web stranica, te redovno objavljivanje sudskih prodaja na stranici suda, kreirani su u elektronskoj verziji svi obrasci za zahtjeve stranaka prema ovom sudu, te postavljeni na Web stranicu suda, kao i folder sudskih odluka koji se nalazi na serveru suda gdje predsjednici sudskih odjeljenja periodično ubacuju odluke radi ujednačavanja sudske prakse.

Na početku godine uređen je postupak prijema stranaka kod predsjednice i to na način da se prijem stranaka vrši jednom mjesečno (posljednji četvrtak u mjesecu) o čemu se vodi zapisnik. Stranke su obavezne svoj dolazak prijaviti na portirnici suda ili putem telefona.

Na početku 2022. godine Općinski sud u Lukavcu je od Grada Lukavca dobio na korištenje prostorije u zgradi Crvenog križa/krsta, koje su renovirane i prilagođene uslovima rada, u koje je izvršen preraspored određenih nosioca pravosudnih funkcija i uposlenika ovog suda na način da u toj zgradi postupaju stručni saradnici u I-Kom i Maličnim predmetima, te sudski izvršioci ovog suda.

Radi edukacije državnih službenika i namještenika, u Općinskom sudu u Lukavcu održan je dana 28.01.2022. godine prvi trening uposlenika pisarnice na temu pravilnog unosa predmeta, dok je dana 23.10.2022. godine održan drugi trening za uposlenike pisarnice na temu nepravilno postupanje, te je skrenuta pažnja na greške koje se dešavaju u radu kao i na način izbjegavanja istih.

Dana 09.02.2022.godine održan je sastanak o upoznavanju i educiranju uposlenika – državnih službenika i namještenika Općinskog suda u Lukavcu sa Modelom etičkog kodeksa i smjernica za postupanje uposlenika u pravosudnim institucijama u BiH, Pravilnikom o kućnom redu u zgradi Općinskog suda u Lukavcu, Pravilnikom o unutrašnjem sudskom poslovanju i drugim internim općim aktima, a koji sastanak je vodio sekretar suda. Shodno navedenom, Općinski sud u Lukavcu je dana 22.11.2022.godine izvršio i nabavku identifikacionih kartica za sve državne službenike i namještenike, a koja identifikaciona kartica predstavlja javnu ispravu kojom se dokazuje da je njen imalac uposlenik u Općinskom sudu u Lukavcu.

Stručna saradnica Amra Islamović je u januaru 2022.godine, odlukom ovog suda, imenovana za savjetnika za prevenciju seksualnog i rodno zasnovanog uznemiravanja na period od četiri godine. U pogledu primjene Smjernica za prevenciju seksualnog i rodno zasnovanog uznemiravanja Općinski sud u Lukavcu je, slijedeći strateške ciljeve za unapređenje rodne ravnopravnosti u ovoj pravosudnoj instituciji, dana 24.05.2022. godine usvojio Plan aktivnosti na provođenju strategije za unapređenje rodne ravnopravnosti u pravosuđu BiH. Nakon usvajanja Plana od strane Visokog sudskog i tužilačkog vijeća dana 14.11.2022. godine Općinski sud u Lukavcu je započeo sa implementacijom aktivnosti predviđenih istim aktom. S tim u vezi, u Općinskom sudu u Lukavcu su provedena anketiranja kako zaposlenih u ovoj pravosudnoj instituciji, tako i korisnika pravosuđa. Provedene ankete i podaci iz istih su bili polazna osnova za održavanje obuke i dijaloških sastanaka sa zaposlenim u Općinskom sudu u Lukavcu kao aktivnosti koje su predviđene u Općinskom sudu u Lukavcu, pa je tako shodno Smjernicama za prevenciju seksualnog i rodno zasnovanog uznemiravanja u pravosudnim institucijama u BiH, stručna saradnica Amra Islamović dana 27.12.2022. godine održala obaveznu obuku za sve uposlenike suda na temu „Seksualno i rodno zasnovano uznemiravanje u pravosuđu BiH“, a u cilju širenja svijesti i znanja uposlenika o značaju rodne ravnopravnosti i potrebi njenog uvođenja i unapređenja u radne procese ove institucije, kao i dodatnog informisanja uposlenika o sadržaju smjernica za prevenciju seksualnog i rodno zasnovanog uznemiravanja i značaju njihove primjene u praksi. O svim realiziranim aktivnostima u ovoj pravosudnoj instituciji, korisnici pravosuđa i ostala zainteresovana javnost je upoznata objavljivanjem vijesti u rubrici aktuelnosti na Web stranici općinskog suda u Lukavcu.

Pored navedenog od početka godine predsjednica suda je inicirala veći broj sastanaka sa predstavnicima Visokog sudskog i tužilačkog vijeća BiH, nadležnog resornog ministarstva, Vladom TK, gradskom upravom grada Lukavca a sve u svrhu sagledavanja realnog stanja i rješavanja pitanja izgradnje nove zgrade suda što je rezultiralo potpisivanjem dana 16.09.2022. godine „Protokola o načinu regulisanja međusobnih obaveza između Vlade TK, VSTV-a BiH, Grada Lukavac i Općinskog suda u Lukavcu u cilju izgradnje nove zgrade za potrebe Općinskog suda u Lukavcu“. Nakon potpisivanja navedenog Protokola započete su aktivnosti za izgradnju nove zgrade suda, pa je Općinski sud u Lukavcu angažovao diplomiranog inženjera građevine, kao vanjskog stručnjaka za postupak pribavljanja potrebne dokumentacije, gdje je izrađen Idejni projekat dana 20.12.2022.godine, nakon čega je Općinski sud u Lukavcu kod nadležnog organa dana 23.12.2022.godine predao dokumentaciju i pokrenuo postupak dobijanja urbanističke saglasnosti za izgradnju nove zgrade suda. Izgradnjom nove zgrade suda steći će se uvjeti za efikasniji i kvalitetniji rad ove pravosudne institucije, što je u bitnom i prioritetan zadatak kako Općine Lukavac za koju je Općinski sud u Lukavcu teritorijalno nadležan tako i pravosuđa BiH u cjelini a gdje su u budžetu TK za 2022. godinu odobrena novčana sredstva za finansiranje projektne dokumentacije.

Sve poduzete radnje vezane za novu zgradu suda koordinirane su sa predstavnicima Visokog sudskog i tužilačkog vijeća BiH, Anom Bilić Adrijanić, Rukovodiocem Projekta unapređenja

efikasnosti i kvaliteta sudova, Adnanom Balavcem dipl.ing.arh. savjetnikom za strateško planiranje materijalnih resursa ispred VSTV-a i predsjednikom VSTV-a Halilom Lagumdžijom.

Uz podršku Visokog sudskog i tužilačkog vijeća Bosne i Hercegovine Odnosno odjela za unapređenje pravosuđa, od 18.02.2022. godine do 28.03.2022. godine izvršili smo **prenos 21.000 komunalnih predmeta** koji su se nalazili u CMS-u u Sokop-Mal sistem. Tom prilikom je angažovano sedam operatera za prijenos podataka kao i tri diplomirana pravnika koji su radili na predmetima koji su unijeli operateri.

Općinski sud je u toku 2021. godine izvršio proces nabavke novog vozila Hundai i30 a koji je isporučen početkom 2022. godine, te ujedno s tim je i organizovan rad, vođenje evidencije o upotrebi službenog automobila i angažmana vozača na način da je formirana lista o terminima i načinu upotrebe vozila za potrebe dostave pismena i potrebe uviđaja. Lista o načinu upotrebe i rasporedu je postavljena na server suda i dostupna svim sudijama kako bi prilikom evidentiranja uviđaja imali u vidu raspoloživost vozila. Za postavljanje iste i vođenje evidencije zadužena je šefica pisarnice. Organizovano je i postupanje sa upotrebom sredstava u ekonomatu suda na način da je viši referent za računovodstveno materijalne poslove zadužen ključem prostorije ekonomata, te se sav potrebni materijal preuzima preko liste zaduženja. Sva zaduženja u ekonomatu i evidenciju istih vršit će uposlenica računovodstva.

Tokom 2022. godine radi ostvarivanja saradnje sa institucijama od značaja za rad Općinskog suda u Lukavcu održan je sastanak predsjednice i sudija ovog suda sa predstavnicima Centra za socijalni rad Lukavac. U augustu s ciljem postizanja što bolje efikasnosti u radu notara kao povjerenika suda u rješavanju ostavinskih predmeta, održan je sastanak sa notarima sa područja Grada Lukavca, te izneseni problemi u radu vezano za ostavinske predmeta, a gdje su se svi složili da se isti moraju rješavati brže i efikasnije, sve u cilju zadovoljavanja potreba građana Grada Lukavca. U mjesecu julu Općinski sud u Lukavcu posjetila je predstavica OSCE misije u Bosni i Hercegovini Amra Ovčina, te tom prilikom je razgovarano o spremnosti suda za učešće u projektima OSCE-a kao i o praćenju određenih krivičnih predmeta od strane OSCE-a prije svega predmeta u vezi zloupotrebe položaja i ovlasti. Predsjednica Općinskog suda u Lukavcu je u toku septembra, u okviru obavljanja svojih poslova, sa Predsjednikom krivičnog odjeljenja ovog suda sudijom Fikretom Mujkićem posjetila Kazneno-popravni zavod Tuzla i obavila razgovore sa pritvorenicima i zatvorenicima istog, a shodno obavezi predsjednice suda za obilazak zatvorenika i pritvorenika, što je evidentirano i u Knjizi evidencije obilazaka zatvorenika i pritvorenika ovog suda, koja Knjiga je tom prilikom i formirana u ovom sudu, obzirom da ranije nije postojala.

S ciljem jačanja povjerenja javnosti u rad pravosudnih institucija ostvarena je saradnja Općinskog suda u Lukavcu i Pravnog fakulteta Univerziteta u Tuzli, te su u mjesecu decembru 2022.godine poduzete aktivnosti u smislu organizacije obuke studenata za praktična znanja iz oblasti građanskog prava kroz praćenje suđenja, gdje je intencija da se i u narednoj godini organizuje obuka i u drugim pravnim oblastima, te da se približi predstava kako izgleda postupak pred sudom i na taj način doprinese opredjeljenju studenata za budući rad u pravosudnoj instituciji.

Dana 14.03.2022.godine između Općinskog suda u Lukavcu i Kantonalnog suda u Tuzli zaključen je Memorandum o saradnji u cilju podizanja stepena pravne sigurnosti i povjerenja građana u pravosuđe, unapređenja efikasnijeg i ekonomičnijeg ostvarivanja prava stranaka pred prvostepenim i drugostepenim sudom, poboljšanje kvaliteta rada sudija, jačanja

autoriteta suda i procesne discipline, a koji Memorandum nije bio zaključen u ranijem periodu između ove dvije institucije.

U toku mjeseca marta Općinski sud u Lukavcu od Grada Lukavca izdejstvovao je dobijanje zelene površine iza zgrade suda koja je prilagođena za potrebe parkiranja vozila uposlenika suda i stranaka, dok su u toku godine provedene tenderske procedure i izvršeni radovi na adaptaciji zgrade suda radi obezbjeđenja boljih smještajnih uslova. U mjesecu julu nakon odobravanja budžetskih sredstava renoviran je info pult na prizemlju ove zgrade, te je izvršena nabavka i postavljanje pločica na vrata kancelarija. Izvršeni su molerski radovi odnosno krečenje cjelokupnog unutaršnjeg prostora zgrade, zatim uvođenje novih elektroinstalacija, postavljanje 10 klima uređaja u kancelarije, te je izvršena kompletna promjena podnih obloga na oba sprata zgrade Općinskog suda u Lukavcu, kao i na vanjskom dijelu zgrade odnosno stepenicama ispred ulaza u zgradu suda. Pored podnih podloga na stepenicama vanjskog dijela zgrade, promijenjen je i krov na ulazu u zgradu suda. Nadalje, na svim prozorima zgrade, obzirom na dotrajalost starih, postavljene su nove trakaste zavjese.

Općinski sud u Lukavcu je dana 04.05.2022. godine uputio zahtjev JU Arhivu TK za preuzimanje arhivske građe starije od 30 godina na dalje čuvanje, kako bi se oslobodio prostor za smještaj arhivske građe za koju nisu protekli rokovi čuvanja. JU Arhiv TK je dopisom od 30.11.2022. godine obavijestio ovaj sud da isti ne raspolaže sa prostorom za smještaj te da nisu u mogućnosti preuzeti arhivsku građu ovog suda koja je pripremljena za predaju, ali da se očekuje da tokom 2023. godine nakon obezbjeđenja prostora za smještaj građe izvrši preuzimanje već pripremljene arhivske građe.

Nadalje, po Rješenju Arhiva TK broj 04/1-1399-3/22 od 08.07.2022. godine, kojim se ovom sudu odobrava otpis bezvrijednog registraturnog materijala nastalog u periodu od 1985. do 2016. godine, u julu mjesecu 2022. godine uništeno je 5000 predmeta i 13 Su poveza što predstavlja samo jedan dio registraturnog materijala koje je bilo potrebno izlučiti, dok će se u narednom periodu raditi na izlučenju ostatka registraturnog materijala.

Tokom 2022. godine također su izvršeni radovi na proširenju pisarnice, preslaganju i uređenju arhiva ovog suda, arhivar ovog suda je upućen na polaganje arhivarskog ispita koji je i položen, a sve u cilju kako bi se stvorili uslovi za optimalni rad odjela pisarnice ovog suda.

Shodno saglasnosti Vlade Tuzlanskog Kantona u Općinskom sudu u Lukavcu, u mjesecu julu 2022.godine, je broj uposlenika povećan za dva, gdje su u radni odnos primljena dva nova uposlenika i to na radno mjesto Viši referent za administrativno tehničke poslove –sudska izvršenje (sudski izvršitelj) i na radno mjesto Viši referent za prijem i unos dokumenata.

Općinski sud u Lukavcu je uključen u implementaciju modula za evidenciju ličnih podataka (MELP) i Modula za pristup ličnim podacima (MVPV) u pravosudnim institucijama u BiH koja je počela u martu mjesecu i još uvijek traje, a u okviru koje je dana 21.12.2022.godine održana prva obuka za uposlenike o upotrebi MELP programa. U narednom periodu održati će se još dvije obuke za uposlenike suda, kao i jedna dodatna obuka za IKT referenta.

Osim navedenog, u Općinskom sudu u Lukavcu su poduzete i aktivnosti za izmjenu pravilnika o sistematizaciji ovog suda tako da se pozicija dodatnog sudije sistematizira kao pozicija redovnog sudije, pa bi ovaj sud imao deset redovnih sudija, gdje je 21.12.2022.godine na sjednici Visokog sudskog i tužilačkog vijeća BiH donesen zaključak da je zahtjev Općinskog suda u Lukavcu opravdan i upućen je akt VSTV-a BiH Ministarstvu pravosuđa i uprave TK kojim se inicira konsultacija o povećanju pozicija redovnih sudija gdje očekujemo pozitivno mišljenje, obzirom da je i resorna Ministrica upoznata sa poteškoćama u radu ovog suda.

U Općinskom sudu u Lukavcu pripravnički staž radi stručnog osposobljavanja obavljaju četiri pripravnika-volontera, od čega tri pripravnika-volontera počev od 2021. godine a jedan pripravnik-volonter od 10. augusta 2022. godine. Odlukom predsjednice suda svim pripravnicima-volonterima postavljeni su mentori radi stručnog osposobljavanja za samostalni rad.

I pored velikih napora, te uloženi značajnih sredstava u 2022. godine Općinski sud u Lukavcu radi u neadekvatnom radnom prostoru za rad suda, te se nadamo da će ovaj sud u što kraćem roku, a po dobijanju sve potrebne dokumentacije, krenuti i u realizaciju izgradnje nove zgrade suda.

Predsjednica suda zajedno sa predsjednicima sudskih odjeljenja će i u toku 2023. godine analizirati rad suda na sjednicama kolegija svaki mjesec, a po potrebi i češće. Predsjednica suda će zahtijevati od predsjednika odjeljenja da iznesu plan mjera za rješavanje starih predmeta, a posebno će se posvetiti pažnja predmetima koji se više puta ponavljaju u planu rješavanja starih predmeta kao i predmetima izvršnog postupka, odnosno indicija suda je da se parnični, vanparnični, krivični i prekršajni referati kao ažurni očuvaju u takvom stanju, a da se izvršni referat dovede u stanje ažurnost.

Srdačan pozdrav,

